



Wie
Griemhilt von Wormze schiet.

XXI. Auentiure.

Die boten lazen riten. vnt ton iv daz erchant.
wie diu koniginne. fore durch daz lant.
oder wa von ir cherten. ir brvder beide wider.
si heten ir so gedienet. daz sis in mose danchen sider.

Urloubes von ir gerte. do vil manic degen.
si moſin ſich ze Vergen. der reife hine bewegn.
do ſi wider wolten. riten an den Rin.
done mohtez ane weinen. von lieben frivnden niht geſin.

Giſelher der ſnelle. ſprach zer ſweſter ſin.
ſwenne daz do frowe. bedurſen welleſt min.
ob dir iht gewerre. daz too mir bechant.
ſo rite ich dir ze dienſte. indaz Ezelen lant.

Die ir ſippe waren. die chuſtes an den munt.
vil minneklichez ſcheiden. choſ man an der ſtunt.
die ſnellen Burgonden. von Rodegeres man.
do fort diu kuniginne. manige magt wolgetan.

Hundert vnt viere. die trugen pfawen chleit.
von genagelten richen pfellen. vil der ſchilde breit.
man forte bi den frowen. nahen vf den wegn.
do nam oveh vrloup Volker. der vil zierliche degn.

Do ſi uber Ewonowe. chomen in Beyerlant.
do wrden diſiv mere. witen bechant.
daz zen Hvinin ſwere. Chriemhilt diu kunigin.
des freot ſich ir oheim. ein biſchof der hiez Pilgerin.

Ander ſtat ze Pazzowe. was er biſſchof.
die herberge wrden läre. vnt oveh des forſten hof.
ſi ilten gegen den geſten. vf in Bayerlant.
da der biſſcof Pilgerin. die ſchonen Chriemhilde vant.

Sinem ingefinde. was daz niht zeleit.
daz ſi ir volgen ſahen. ſo manige ſchone meit.
da trvete man mit ovgen. der edeln ritter chint.
vil riche herberge. gap man den edeln geſten ſint.

Da ze Pledelingen. schof man in gemach.
daz volch man allenthalben. zwo zin riten sach.
man gab in willekliche. des si bedorften da.
si namen; wol mit eren. als tet man sider anderswa.

Div frowe mit ir oheim. ze Pazzowe reit.
ez was den burgären. darinne niht zeleit.
daz dar chomen solde. des fursten swester chint.
si wart vil wol empfangen. von den koopfloten sint.


Das si beliben solden. der bisscof hetes wan.
do sprach der marcgrave. es enmac niht ergan.
wir mozin nider riten. inder Hynin lant.
uns wartet vil der degene. wande ez in allen ist bechant.

Disiv mäere och wiste. div schone Götelint.
si bereite sich mit vlize. gein ir frowen sint.
ir het enboten Kvedeger. daz in daz duhte gvot.
daz si der kuniginne. da mite trofste den mvot.

Das si ir rite engegene. mit den sinen man.
vf zwo der Ense. do daz wart getan.
do sah man allenthalben. vil unmoze pflegn.
durch der geste liebe. si mozin rowe sich bewegn.

Si was der nächten nahte. ze Everdingen chomen.
gnvoze v; Bajerlande. solden si han genomen.
den roup vf der straze. nach ir gewonheit.
so heten si den gesten. erboten eteslichiv leit.

Das hete wol behvetet. der edel Kvedeger.
er foerte tofint ritter. vnt dannoch mer.
do was och chomen Götelint. des marcgraven wip.
mit ir fvor herrenliche. vil maniges chonen rechen lip.



Do si vber die Truone chomen. bi Ense vf das velt.
do sah man vf gespannen. hvetten vnt gezelt.
da die geste solden. die nahtfelde han.
von Rodegeres frivnden. wart in dienste vil getan.

Gotelint diu schöne. die herberge lie.
hinder ir beliben. vf den wegn gie.
mit chlingenden zoomen. die möre wolgetan.
der antfanch wart vil schöne. liep was iz Rodegere ir man.


Di in zebeden siten. chomen vf den wegen.
die riten vroliche. der was vil manic degen.
si pflagen ritterscheste. daz sach vil manic meit.
ouch was der helede dienest. den schonen frowen niht zeleit.

Do zo den gesten chomen. die Rodegeres man.
vil der truonzvne. sach man ze berge gan.
von der rechen handen. mit ritterlichen siten.
da wart wol zepriße. vor den frowen geriten.

Daz liezen si beliben. do grozte manic man.
vil gotlich ein ander. do forten si von dan.
die schonen Gotelinde. da si Chriemhilde sach.
die frowen dienen chunden. die musin liden vngemach.

Der voget von Bechelaren. zo sime wibe reit.
der edeln margrauinne. was daz niht zeleit.
daz er so wol gesunder. was von Rine chomen.
ia was ir vil ir sorgen. mit grozen vreden benomen.

Do si in het empfangen. er si hiez vf das gras.
erbeizen mit den frowen. swaz ir da mit ir was.
mit dienste was vnmvzich. da vil manic man.
der wart den schonen frowen. mit grozem vlize getan.



Do sach div kuniginne. hie Gotelinde sten.
mit ir ingesinde. si lie niht naher gen.
das pferit mit dem zowme. zuchen si began.
si bat sich heben balde. nider von dem satel dan.

Den bisscof sach man wisen. siner swester chint.
in vnt Ekkewarten. zu Gotelinde sint.
da wart vil michel wichen. an der selben stont.
do choste div ellende. an der marcgrauinne munt.


Do sprach vil minnekliche. das Kudegeres wip.
nu wol mich liebiv frowe. deich iwern schonen lip.
han indisen landen. mit freuden hie gesehn.
mir enchunde in disen citen. nimmer lieber geschehen.

Nu lon ir got sprach Chriemhilt. vil edel Gotelint.
sol ich gesvnt beliben. vnt Gotelunges chint.
ez mag ir chomen zeliebe. das ir mich hab gesehn.
in beiden was unchunde. das sider wose gesehn.

Mit zohnten zu zein ander. si sazen uf den chle'.
die gerne frowen sahen. den was da niht ze we.
ir sveziv ovgenweide. braht in hohen mvot.
den wiben sam den mannen. als ez noch vil dicke tvot.

Man hiez den gesten schenchen. ez was wol mitter tac.
das edel ingesinde. da niht langer lac.
si riten da si funden. vil manige hotten breit.
da was den werden gesten. vil groziv wirtschafft bereit.

Die naht si heten rowe. vnz an den morgen froo.
die von Bechelaren. bereiten sich dar zuo.
wie sie behalden solden. vil manigen werden gast.
wol het geschaffen Kudeger. das in vil wenich iht gebrast.



Div venster an den mooren. sah man offen stan.
div goote Bechelaren. div was vf getan.
dar ine riten geste. die man vil gerne sach.
den het der wirt vil edele. schaffen richen gemach.

Div Rodegeres tohter. mit ir gesinde gie.
da si die koniginne. vil minneklich enpfie.
da bi was ovch ir mvoter. des marcgraven wip.
mit liebe wart gegreiset. vil maniger ivncfrowen lip.

Si viengen sich bi henden. vnt giengen dan.
in einen palas witen. der was vil wolgetan.
da div Ewonowe. vnden hine vloz.
si sazzen gegen dem lvofte. vnt heten churcewile groz.

Wes si no mere pflegen. des enchan niht gesagn.
daz in so vbele zogete. daz horte man do chlagen.
die Chriemhilde rechen. wandez was in leit.
hen waz guter degene. mit ir von Bechelaren reit.

Vil minneklichen dieneft. der marcgrave in bot.
do gab div kuniginne. zwelf pouge rot.
der Gotlinde tohter. vnt also goot gewant.
daz si niht bezzers brahte. indaz Etzelen lant.

Swie ir genomen wære. der Nibelunge golt.
alle die si gefahen. die machte si ir holt.
noch mit dem chleinem gvote. daz si da mohte han.
des wirtes ingesinde. wart michel gabe getan.

Da widere bot do ere. div frowe Gotelint.
den gesten von dem Rine. so minnekliche sint.
daz man do der fremden. harte wenich vant.
sine trogen ir gesteine. oder ir vil herlich gewant.

Do si enbissen waren. vnt das si solden dan.
von der hooßfrowen. wart geboten an.
getriwelicher dieneß. das Etzelen wip.
do wart och vil getrytet. der schonen iunefrowen lip.

Si sprach zer kuniginne. swenne ouch no dunchet goot.
ich weiz wol das iz gerne. min lieber vater toot.
das er mich zuo ziv sendet. in der Hunin lant.
das si ir getriwe wäre. vil wol das Chriemhilt ervant.


Div ros bereitet waren. for Bechelaren chomen.
och het div kuniginne. vrlouy no genomen.
von Rodegeres wibe. vnt von der tochter sin.
do schiet och sich mit grooze. vil manic sehne magedin.

Ein ander si vil selten. gesehen nach den tagen.
vzer Medeliche. vf handen wart getragen.
manic golt vas riche. dar inne braht man win.
den gesten vf die straze. vnt bat si willechomen sin.

Ein wirt was da gefezzen. Astolt was der nant.
der wiste si die straze. nider in Osterlant.
gegen Mutaren. die Ewonowe nider.
da wart vil wol gedienet. der richen kuniginne sider.

Der bisschhof minnekliche. von siner nisteln schiet.
das si den kunic becherte. wie vast er ir das riet.
vnt das si ir ere chovfte. sam Helche het getan.
hen was si grozer eren. sit da zen Hunin gewan.

Zuo der Treyssem brahte. man die geste dan.
ir pflagen vlißekliche. die Rodegeres man.
vnze das die Hunin. riten ober lant.
do wart der chuniginne. vil michel ere bechant.



Bi der Treysen hete, der konig von Hunin lant,
eine burch vil riche, diu was wol bechant,
geheizen Treysenmoure, frou Helche saz da e',
vnt pflach so grozer tugende, deiz wettlich nimmer mer erge.

Ezen tate danne Chriemhilt, diu also chynde gebn,
si mohte nach ir leide, daz liep vil wol gelebn,
daz ir iahen ere, die Etzelen man,
der si sit grozen vollen, bi den helden gewan.

Diu Etzelen herschaft was so wit erchant,
daz man zallen eiten, in sime hofe vant,
die aller besten rechen, von den ie wart vernomen,
vnder kristen unt vnder heiden, die waren gein der brute chomen.

Bi im was zallen eiten, daz wätlich mer erge,
kristenlicher orden, vnt ovch der heiden e',
inswie getanem lebene, sich ieslicher trooc,
daz schpof des kuniges milte, daz man allen gap genvoch.

